


TEZAUUR LITURGIC
16 AUGUST

SLUJBA
SF. CUVIOS
ROMAN
DE LA
DJUNISA
SERBIEI



SERBLIAK, BELGRAD, 1986



Мѣсяца Августа въ 16-й день Память преподобнаго отца нашего Романа Дюнискаго, чудотворца

НА ВЕЛИЦѢЙ ВЕЧЕРНИ,

**Блаженъ мужъ.., [1-й антифонъ.] На Господи
возвахъ.., стихиры на 6: Образа 3 и
преподобнаго 3.**

**Стихиры преподобнаго, гласъ 1. Твореніе
Николая, епископа Охридскаго.**

**Отче Романе чудотворче, се приспѣ день
прославленія, тебе прославившаго, Господа, се
собрашася священницы съ народомъ,
прославляти дѣла твоя, и купно поспѣвати
святую память твою, молящеся тебѣ, стоящему
предъ престоломъ превѣчнаго Творца и
Вседержителя, Егоже моли о спасеніи душъ
нашихъ.**

**Отче Романе чудотворче, побѣдителю козней
демонскихъ, тѣснымъ путемъ шествовалъ еси
отъ земли къ небеси, угождая Богу постомъ,
бдѣніемъ и молитвами непрестанными, сего
ради даровася тебѣ власть изгнати бѣсы и дүхи
тмы изъ людей Божіихъ, тѣмже молися о душахъ
нашихъ.**

Отче Ромáne чудотворче, въ дѣбрѣхъ Моравскихъ и пещерахъ подвизался еси, въ безмолвіи очищая сердце свое отъ помысловъ и навѣтовъ дѣмонскихъ, и очищеннымъ сердцемъ видѣлъ еси Бога невидимаго. Видя же Бога, разгорѣлся еси любовію къ Немѹ, отъ искони любящему тя, Егѹже нынѣ моли о душахъ нашихъ.

Слава, гласъ 6. Николаево.

Приидите, людіе, приидите старцы и младенцы, и дѣвы съ юношами, и князи и раби, приидите и припадѣмъ къ рацѣ преподобнаго отца нашего Романа, земнаго ангела и небеснаго человека, многа бо чудеса содѣла: больныя исцѣли, бѣсныя очисти, ослабленныя укрѣпи, невѣрныя въ вѣру обрати, и нынѣ непрестанно чудодѣйствуетъ и помогаетъ, источая силу и здравіе отъ мощей своихъ, изъ грѹба, яко отъ источника непресушнаго. Сего ради приидите и поклонитесь Богу Единому и Живоу, даровавшему вамъ таковаго помощника и исцѣлителя Романа святаго.

И нынѣ, праздника Успенія, гласъ 8:

Дѣвичесіи лица днесъ тайно одру Дѣвы и Матере окрестъ предстоятъ, и души праведныхъ, обступивше, Царицу славятъ. Ови убо яко даръ дѣвство вмѣсто мѹра приносятъ,

о́ви же невещественное пѣ́ніе съ добродѣ́телю
прино́сятъ, подоба́еть бо Ма́тери Бо́жии яко
Цари́цѣ ца́рскими добродѣ́телями
свѣтлосія́ющими дориноси́тися. Съ ни́миже и
мы́, житі́е чистое совне́сше, изы́демъ къ
погребѣ́нію су́щія Ма́тере Бо́га нашего, пѣ́ньми и
пѣ́сньми духо́вными согла́сно Ю ублажа́юще.

**Входъ. Прокименъ дне. Париміи три,
преподобническія.**

Премудрости Соломона чтеніе.

Праведницы во вѣки живуть, и въ Господѣ
мзда ихъ, и попеченіе ихъ у Вышняго. Сего ради
пріимуть царствіе благолѣпія и вѣнецъ доброты
отъ руки Господни, зане десницею покрыетъ я и
мышцею защититъ ихъ. Пріиметъ всеоружіе —
рвеніе свое и вооружитъ тварь въ мѣсть
врагомъ. Облечетъся въ броня правды и
возложитъ шлемъ — судъ нелицемѣренъ.
Пріиметъ щитъ непобѣдимый — подобіе,
поостритъ же напрасный гнѣвъ — во оружіе,
споборетъ же съ нимъ міръ на безумныя.
Пойдутъ праволучныя стрѣлы молніины и, яко
отъ благокругла лука облаковъ, на намѣреніе
полетятъ, и отъ каменомѣтныя ярости исполнь
падутъ грады. Вознегодуетъ на нихъ вода
морская, рѣки же потопятъ я нагло. Спротивъ
станетъ имъ духъ силы и, яко вихоръ, развѣетъ
ихъ, и опустошитъ всю зѣмлю беззаконіе, и

злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащии множества и гордящися о народѣхъ языковъ, яко дана естъ отъ Господа держава вамъ и сила отъ Вышняго.

Премудрости Соломона чтеніе.

Праведныхъ души въ руцѣ Божіей, и не прикоснется ихъ мука. Непщевани быша во очесѣхъ безумныхъ умерети, и вмѣнися озлобленіе исходъ ихъ, и еже отъ насъ шествіе — сокрушеніе, они же суть въ мирѣ. Ибо предъ лицемъ человѣческимъ, аще и муку приимуть, упованіе ихъ безсмертія исполнено. И вмалѣ наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горнилѣ, искуси ихъ и, яко всеплодіе жертвенное, пріять я. И во время посѣщенія ихъ, возсіяють, и яко искры по стѣблю, потекутъ. Судятъ языкомъ и обладають людьми, и воцарится Господь въ нихъ во вѣки. Надѣющися Нань разумѣють истину и вѣрніи въ любви пребудутъ Ему, яко благодать и милость въ преподобныхъ Его и посѣченіе во избранныхъ Его.

Премудрости Соломона чтение.

Праведникъ, аще постигнетъ скончатися, въ покой будетъ. Старость бо честна не многолѣтна, ниже въ числѣ лѣтъ исчитается. Сѣдина же естъ мудрость человекомъ, и возрастъ старости — житіе нескверное. Благоугоденъ Богу бывъ, возлюбленъ бысть, и живый посреде грѣшникъ, преставленъ бысть. Восхищенъ бысть, да не злоба измѣнитъ разума его или лѣсть прельститъ душу его. Раченіе бо злобы помрачаетъ добрая и пареніе похоти, премѣняетъ умъ незлобивъ. Скончався вмалѣ, исполни лѣта долга, угодна бо бѣ Господеви душа его, сего ради потщася отъ среды лукавствія. Людіе же видѣвше и не разумѣвше, ниже положше въ помышленіи таковое, яко благодать и милость въ преподобныхъ Его и посѣщеніе во избранныхъ Его.

На литіи стихіры преподобнаго, самогласны, гласъ 1. Николаево.

Веселися, землѣ Сербская, ибо се звѣзда свѣтлая возсія въ тебѣ, и чада твоя, свѣтомъ вѣчнымъ Христа, Солнца правды, озари. Да веселятся и ликъ монаховъ, постниковъ и богомольцевъ, ибо изъ нихъ избра Господь свѣтильникъ Свой и сосудъ благодати, Романа духоноснаго, болѣзней исцѣлителя, и демоновъ

прогонителя, егѣже днесь прославляемъ и молимъ: ѡтче святыи Ромѣне, всѣмъ намъ милость испроси ѡтъ Христа, милостиваго Спаса и Бога нашего.

Гласъ 4:

Имя твоѣ побѣждаетъ время и времена, и храмъ твой одолеваетъ всѣмъ бурямъ житейскимъ, рака же твоя чудоточная оставляетъ за собою разрушенная царствія земная и престолы. О, славо неземная и сило неизмѣримая, человекѣ святаго, угоднаго Божіа, вѣнчаннаго съ безсмертіемъ! Ромѣне безсмертне, вся ны, славящія тя днесь, помяни предъ престоломъ Бога Живаго.

Погибаетъ слава земная, твоя же стоитъ; погибаетъ имя безбожниковъ, твоѣ же славится; мечи насильниковъ ломаются, красота тѣлесная увядаетъ, мечъ же твой духовный и нынѣ посѣкаетъ демоны и красота твоя лучезарная немѣняется. Сего ради съ веселіемъ прославляемъ тя, Ромѣне всеблаженне.

Слава, гласъ 5:

Воскликните, вѣрнии, съ радостію Богу нашему, глаголющу иногда: поставлю я князи по всей земли. — И се, воистину, поставилъ естъ по всей вселеннѣй князи духовныя: апостолы и мученики, преподобныя отцы наша, пастыри и

учители, и отъ рѣда нашего: Наума и Климента во Охридѣ, Нектарія въ Битоли, Давида преподобнаго въ Солунѣ, и Иоасафа отъ царскаго рѣда въ Метеорахъ Ѳессалійскихъ, обанадесяте мучениковъ въ Струмицѣ, и юнаго златаря Георгія въ Кратовѣ, Пѣтку славную въ Бѣлградѣ, Савву и Стефана въ Жичи, Симеона въ Студеницѣ, Григорія богомудраго въ Горняцѣ, Зосима въ Туманѣ, Ромила въ Раваницѣ, и Нестора въ Дюнисѣ, Евгенію царицу и монахиню въ Любостыни, и множество иныхъ въ горахъ Овчарскихъ, Пиротскихъ, Черногорскихъ, Пекскихъ и Сикевачкихъ. И сей преподобный и святыи Романъ чудотворецъ, воистинну естъ равночестенъ съ ними, яко князь духовный всего Поморавія, наказуя неправедныя и ублажая праведныя, егоже днесъ восхваляемъ и славимъ, [яко] угодника Божія и чудотворца.

И нынѣ, праздника Успенія, гласъ 3:

Приидите, вси концы земнии, честное преставление Богоматере восхвалимъ: въ рущь бо Сына душу непорочную положи. Тъмже святымъ успениемъ Ея миръ оживотворися, во псалмѣхъ, и пѣніихъ и пѣсняхъ духовныхъ, со безплотными и апостолы празднуетъ свѣтло.

На стиховнѣ стихиры Успѣнія, гласъ

4. [Подобенъ: Даль еси знаменіе.]

Не колесница огнезрачная отъ земныхъ Тя прѣстави, якоже Илію праведнаго, но самое Солнце Правды, на руку Своею пресвятую Твою душу, яко непорочную пріемъ, въ Себѣ упокой, и преславно Тя, Чистая, прѣставивъ, почтѣ, въ радости паче ума.

Стихъ: Воскресни Господи въ покой Твой, Ты и Кивотъ святыни Твоея.

Приидите, о празднолюбцы! Божія Матере днесь святое прѣставленіе свѣтло совершимъ: въ руцѣ бо истинно отъ нетлѣнна Отца возсіявшаго первѣе и напоследокъ изъ утробы Ея, Божественную и пречистую душу предаде, радуящися, Іисуса Бога нашего, и молитъ спастися намъ.

Стихъ: Клятсѣ Господь Давиду истиною, и не отвержется ея.

Чудо преужасно: Яже во утробѣ невмѣстимаго Царя носившая во гробѣ полагается, и ангельстии собори со апостолами со страхомъ погребаютъ Тоя богопріятное тѣло и честное, и сіе возвысивъ, на небеса возведѣ Іисусъ, Сынъ Ея и Спасъ душъ нашихъ.

Сла́ва, преподо́бнаго, гласъ 1:

Отче Рома́не чудотво́рче, ду́хомъ бо́дрствуя, ду́хъ укрѣпи́ль еси́, плоть же ни во что́ вмѣняя. Упова́ние твоё бѣ́ Оте́ць, Прибѣ́жище — Сы́нъ, Ду́хъ же Святы́й — Покро́вь тво́й, отъ нача́ла до конца́. Тѣмже просла́ви Госпо́дь, и ду́хъ тво́й на небеси́, и плоть твою́ на земли́, и се́ ра́ка твоя́ то́читъ исцѣ́леніе всѣ́мъ больны́мъ и недужны́мъ, прибѣ́гающимъ къ тебѣ́ съ вѣ́рою и любове́ю.

И ны́нѣ, Образа, гласъ 6:

Госпо́ди, воплотился еси́, якоже восхотѣ́ль, изво́лил еси́ воспрі́яти нищету́ нашу́ и бога́тство́ благосе́рдія́ показа́ль еси́, и́мже мя́, пе́рсть, обожи́ль еси́. Сла́вимъ Тя́, Чело́вѣколю́бче, смотре́нія о́бразъ ви́дяще зра́ка Твоего́, си́мъ невозбра́нно во Еде́мъ вхо́дь, Спа́се, да́руй рабо́мъ Твои́мъ, презира́я вся́ прегреше́нія.

Тропа́рь Образа, гласъ 2:

Пречи́стому Твоему́ о́бразу [покланя́емся, Благи́й, просяще́ прощѣ́нія прегрѣше́ній нашихъ, Христе́ Бо́же: во́лею бо благово́лил еси́ плоти́ю взы́ти на Крѣ́сть, да изба́виши, я́же созда́ль еси́, отъ рабо́ты вра́жія. Тѣмъ благода́рственно вопі́емъ Ти́: ра́дости испо́лниль еси́ вся́, Спа́се нашъ, прише́дый спасти́ мі́ръ].

Сла́ва, преподо́бнаго, гласъ́ 1:

Пу́стынный жи́тель, и въ тѣлеси́ а́нгель, и чудотво́рецъ яви́лся еси́, богоно́се о́тче нашъ Рома́не: постомъ, бдѣ́ниемъ, моли́твою небеса́ная дарова́нія при́имъ, исцѣ́ляеши неду́жныя и ду́ши вѣро́ю притека́ющимъ ти́. Сла́ва Да́вшему ти́ крѣ́пость, сла́ва Вѣнча́вшему тя́, сла́ва Дѣ́йствующему тобо́ю всѣ́мъ исцѣ́ленія.

И ны́нѣ, Успе́нія, гласъ́ то́йже:

Въ рождествѣ́ дѣ́вство сохрани́ла еси́, [во успе́нии ми́ра не оста́вила еси́, Богоро́дице, предста́вилася еси́ къ живо́ту, Ма́ти су́щи Живота́, и моли́твами Твои́ми изба́вляеши о́тъ сме́рти ду́ши на́ша].

НА УТРЕНИ,

На Бо́гъ Господь: Тропа́рь Обра́за, два́жды.

Сла́ва, преподо́бнаго. И ны́нѣ, Успе́нія.

По 1-мъ стихосло́вию сѣ́даленъ, гласъ́ 4:

Убѣ́жалъ еси́ житейскаго зла́го волне́ния, въ ти́шину доше́дъ Бо́жия поко́я и наслажде́ния, возше́лъ еси́ на вы́соту добродѣ́телей, и во о́стровъ дости́глъ еси́ небеса́ный, о́тче Рома́не досточу́дне. [Два́жды.]

Сла́ва, и ны́нѣ, [пра́здника,] гласъ́ то́йже. [Подобенъ: Удиви́ся Іо́сифъ.]

Зряще войстинну а́нгельская война́ства преста́влёне Твое́, Пресвята́я Влады́чице Чистая, Благослове́нная Всепы́тая Богоро́дице, иму́ще волею́ рождённа изъ Тебе́, ликъ ученикъ собра́вшеся, съ весе́лиемъ ноша́ху честное́ въ рай т́ло Твое́, Христа́ пою́ще, Живода́вца су́ща во в́ки.

По 2-мъ стихословіи съда́ленъ, гласъ 4:

Одѣ́вся крѣ́постию Влады́чною, стяжа́лъ еси́ терпѣ́ніе мно́гое, воздержа́ніе, вѣ́ру и лю́бовь и́стинну, тѣ́мъ и яви́лся еси́ чуде́сь исто́чникъ, источа́я струи́ присноживо́тны, ими́же омы́ваются ду́шъ же и тѣ́лесъ недужи́, о́тче Рома́не приснопа́мятне. **[Два́жды.]**

Сла́ва, и ны́нѣ, Успе́нія, гласъ тойже. [Подобѣ́нь: Удиви́ся Іосифъ.]

Въ ру́цѣ́ на́съ ра́ди вочеловѣ́чшагося изъ Тебе́ преда́вши ду́шу, я́ко Зиждите́лю Твоему́ и Бо́гу, къ жи́зни нетлѣ́ннѣй преста́вилася еси́. Тѣ́мже Тя́ че́стно ублажа́емъ, еди́ну Чистую́ и Нескве́рную, и Богоро́дицу́ вси́ и́стинно исповѣ́дающе, взыва́емъ: Христа́ моли́, къ Немуже́ преста́вилася еси́, спасти́ ду́ши на́ша.

[**Поліелей.**]

Ублажа́емъ тя, преподо́бне о́тче Рома́не, и
чте́мъ святу́ю па́мьять твою́, наста́вниче
мона́ховъ и собесѣ́дниче а́нгеловъ.

Псаломъ избранный: Терпя́ потерпѣ́хъ
Го́спода...

По поліелей сѣдалень, гласъ 4:

Вси вѣ́рнии, иже къ честнѣ́й ра́цѣ тво́ей
притека́ютъ, почерпа́ютъ отъ сея́ исцѣ́ленія и
чуде́сь пучину. Сего́ ра́ди велича́емъ честну́ю
па́мьять твою́, преподо́бне о́тче Рома́не, вѣ́рою тя
и любове́ию ублажа́юще. [**Дважды.**]

**Слава, и нынѣ, [праздника,] гласъ
тойже. [Подобень: Удивися Іосифъ.]**

Возопій, Давиде, что́ се́й пра́здникъ, его́же
воспѣ́ль еси́ дре́вле въ кни́зѣ псаломстѣ́й? Яко
Дще́рь, Богоотрокови́цу и Дѣ́ву, преложи́ Ю на
о́ны оби́тели Христо́съ, Иже изъ Нея́ безъ сѣ́мене
ро́ждся. И сего́ ра́ди ра́дуются ма́тери, и дще́ри,
и невѣ́сты Христо́вы, вопію́ще: ра́дуйся
Преста́вившаяся къ вы́шнему Ца́рствію.

**Степенна, антифонъ 1-й 4-го гласа.
Прокимень, гласъ 4: Честна́ предъ
Го́сподемъ* сме́рть преподо́бныхъ Его́. Стихъ:
Что́ возда́мъ Го́сподеви о всѣ́хъ, яже воздаде́ ми?**

[Всякое дыханіе...] **Евангеліе Матѳея, зачало 43.**

По 50-мъ псалмѣ стихира, гласъ 6:

Страстѣй недуги, благодатию духовною, отъемлещи, дѹхи же лукавыя отгониши, и неисцѣльныя болѣзни исцѣляещи, и вѣрныя просвѣщаещи блистаніи чудесъ твоихъ, богоблаженне отче Романе. Тѣмже и мы днесъ радостно воспѣваемъ свѣтоносную пѣмать твою.

Канонъ Успенія, твореніе киръ Космы, со ирмосомъ на 6, гласъ 1. И Образа, твореніе Германа патріарха, на 4, гласъ 6. [Виждь въ миней дне сего.] И преподобнаго, твореніе Николая, епископа Охридскаго, на 4, гласъ 6: Пѣснь 1.

Ирмосъ: *Яко по сѹху пѣшешествовавъ Израиль по безднѣ стопами, гонителя фараона видя потопляема, Богу побѣдную пѣснь поимъ, вопіяше.*

Спаса Христа возлюбивъ, въ пустынную гору вселился еси, хотя очистити и украсити дѹшу свою, и удостоити ю ко браку вѣчному съ Сыномъ Царя Бога. **[Дважды.]**

Величайшимъ терпѣніемъ вооружився, на брань вступилъ еси съ полчищи демоновъ, и вся я побѣдилъ еси, силою Креста Христова.

Богородичень: Ева согрѣшивши, роди Каина братоубійцу, Ты же, Пречистая, не согрѣшивши, родила еси Спаса рѣду человѣческому, ходатайствомъ Твоимъ спасаемся.

Катавасія: Преукрашенная...

Пѣснь 3.

Ирмосъ: *Нѣсть святъ, якоже Ты, Господи Боже мой, вознесый рогъ вѣрныхъ Твоихъ, Блаже, и утвердивый насъ на камени исповѣданія Твоего.*

Тма демоновъ ополчашеся на тя, преподобне, ты же, воплемъ и воздыханіемъ многимъ, вопіяше ко Христу Побѣдителю, Иже избави тя и прослави. **[Дважды.]**

Имя Іисуса Сладчайшаго непрестанно имѣлъ еси въ сердцы и на языцѣ, якоже медъ въ горести жизни своей, дондеже всю горестъ изгналъ еси, и подобно Павлу глаголати возможе: азъ же не живу, но Христосъ во мнѣ.

Богородичень: Раю стремилася еси, Рай во утробѣ Своей носила еси, въ Рай вселилася еси, о Пречистая Дѣво, моли Сына Своего Рай и намъ даровати.

Кондакъ Успенія, гласъ 2:

[Въ молитвахъ неусыпающую Богородицу и въ предстательствахъ непреложное упованіе, грѣбъ

и умерщвление не удержаста: якоже бо Живота Матерь, къ животу престаѣи, во утробу Вселивыйся приснодѣвственную].

Икосъ:

[**О**гради моя помышления, Христѣ мой, ибо Стѣну мѣра воспѣти дерзаю, Чистую Матерь Твою, на столпѣ глаголь укрѣпи мя, и въ тяжкихъ мысляхъ заступи мя, Ты бо взывающимъ и просящимъ вѣрою молѣния исполняеши. Ты мнѣ убо даруй языкъ приносень и помысль непостыденъ: всякое бо даянїе сіянія отъ Тебѣ низпосылается, Свѣтоподателю, во утробу вселивыйся приснодѣвственную].

Кондакъ преподобнаго, гласъ 8:

Крестъ Христовъ возлюбивъ, отче преподобне, крестъ свой на ся взялъ еси, крестнымъ знаменїемъ вся силы сопротивныя побѣдивъ, вѣнецъ отъ Христа прїялъ еси, крестоносный Романе.

Съдаленъ Образа, гласъ 1. [**Подобень:** Гробъ Твой, Спасе].

Едѣсскїй царь [всѣхъ Царя, не скиптры, ниже вои, но множества чудесъ словомъ износящаго, познавъ Тя, моляше: богочеловѣчное къ себѣ получитьи, во образѣ же, яко узрѣ Тя, взываше: Богъ Ты и Господь].

**Слава, и нынѣ, праздника, гласъ
тойже. [Подобень: Камени запечатану].**

Ликъ божественныхъ апостолъ [собрася погребсти Тя пречестно, Богородице Всечистая, съ нимиже и ангельсти чини воспѣваху преставленіе Твое, взывающе прехвально. Съ нимиже и мы, любовію играюще, Чистая, хвалу Тебѣ приносимъ, гласы пѣсенными, вѣрни, и вопіемъ: радуйся, Предстательнице присночтущихъ Тя].

Пѣснь 4.

Ирмосъ: *Христосъ моя сила, Богъ и Господъ, честная Церковь боголюбно поетъ, взываючи, отъ смысла чиста, о Господъ празднующи.*

Освятивъ душу и плоть свою Духомъ Святымъ, Романе преподобне, ты нынѣ освящаеши и насъ молитвами твоими. **[Дважды.]**

Муки безчисленныя отгоняеши отъ людей твоихъ: слѣпи видятъ, глуші слышатъ, хроми ходятъ, бѣсни очищаются, молитвами твоими, Романе преподобне.

Богородичень: Анну праведную, мать Свою, свободила еси отъ клятвы безчадія и, якоже Мати Бога нашего, свободила еси насъ отъ проклятія грѣха.

ПѢСНЬ 5.

Ирмосъ: *Божіимъ свѣтомъ Твоимъ, Блаже, утренюющихъ Ти души любовью озари, молюся, Тя вѣдѣти, Слово Божій, истиннаго Бога, отъ мрака грѣховнаго взывающа.*

Ни глѣдъ, ни наготѣ, ни нападеніе бѣсовъ не возмогѣша тя разлучити отъ любви Христовы, нынѣ же соединенъ со Христомъ вѣчно на небесі, молися о насъ, молимъ тя. **[Дважды.]**

Егда Лазарь, князь преславный, позна силу чудодѣющую отъ мощей твоихъ, созда храмъ надъ гробомъ твоимъ, идѣже вси собираемся, воспѣвати чудеса твоя, Романе святе.

Богородиченъ: *Сына безъ отца родила еси, рожденнаго отъ Отца безъ матери, духоносная Дѣво, честнѣйшая небесныхъ силъ; покрый насъ покровомъ Твоимъ.*

ПѢСНЬ 6.

Ирмосъ: *Ятъ бысть, но не удержанъ въ персехъ китовыхъ Іона: Твои бо образъ нося, Страдавшаго и погребенію Давшагося, яко отъ чертога, отъ звѣря изыде. Приглашаше же кустодіи: хранящии суетная и ложная, милость сію оставили есте.*

Послушалъ еси Повелѣвшаго: аще кто хощетъ по Мнѣ ити, —ты оставилъ еси родъ свой и домъ

отца́ своего́, и презрѣ́въ вся́ мірска́я, послѣ́довалъ еси́ Христу́. **[Два́жды.]**

Адскія́ силы́ устраша́ются до ны́нѣ, отъ хра́ма твоего́ и отъ имене́ твоего́, и бѣ́гають, Рома́не чудотво́рче.

Богоро́дичень: **С**вѣ́тъ отъ Свѣ́та, Бо́га Истинна́ отъ Бо́га Истинна́, вмѣсти́ла еси́ въ Себѣ́, Дѣ́во, ши́ршая небесе́, я́коже и́стинную Свидѣ́тельницу́ Его́ рождѣ́нія, и страда́нія, и воскресе́нія, мо́лимъ, спаси́ родъ христі́анскій.

Конда́къ Образа́, гла́съ 2. [Подобѣ́нь: Вѣ́
моли́твахъ].

Неизрече́ннаго и Божѣ́ственнаго Твоего́ къ челове́комъ смотре́нія, неописа́нное Сло́во Отчее́, и о́бразъ неписа́нный, и богописа́нный побѣ́дителень, вѣ́дуще неложна́го Твоего́ воплоще́нія, почита́емъ, того́ лобыза́юще.

Икосъ:

Увѣ́ряя челове́комъ Госпо́дь вочелове́ченія Своего́ тайну́ ужа́сную, самопису́еть богому́жнѣй Свой́ о́бразъ на убру́сѣ, и первообра́зное у́бо вознесъ́ отъ горы́ Елео́нскія́, на престо́лѣ́ споражда́етъ Отчи́, покланя́тися отъ безтѣ́лесныхъ а́нгель. Подоби́ю же первообра́знаго на́мъ дарова́ покланя́тися: Его́же объе́млюще ду́шею же и се́рдцемъ, почита́емъ, того́ лобыза́юще.

ПѢСНЬ 7.

Ирмосъ: *Отроцы въ Вавилонѣ пещнаго пламене не убояшася, но, посредѣ пламене ввержени, орошаеми, пояху: благословенъ еси, Господи Боже отецъ нашихъ.*

Исцѣлителя тя почитаемъ и учителя монаховъ прославляемъ, Романе всеблаженне, не престаи исцѣляти насъ отъ страстей и похотей, и учити насъ страху Господню. **[Дважды.]**

Новый подвигъ совокупилъ еси древнему опыту отцевъ, и тако подтвердилъ еси истинный путь спасенія, и вѣнецъ великихъ отцевъ Церкви получилъ еси, Романе отче нашъ.

Богородиченъ: **А**дамъ новый изъ Тебѣ явился, Пречистая, Адама стараго и родъ его искупляя отъ грѣха и смерти, сего ради Ты еси Ходатаица спасенія нашего.

ПѢСНЬ 8.

Ирмосъ: *За законы отеческія блаженнии въ Вавилонѣ юноши, предбѣдствующе, царюющаго оплеваша повельніе безумное, и совокуплени, имже, не сваршася огнемъ, Державствующему достойную воспѣваху пѣснь: Господа пойте, дѣла, и превозносите во вся вѣки.*

Раны многія отъ демоновъ пріялъ еси, Богъ же дарова ти силу благодатную, раны исцѣляти

неду́жныхъ и де́моны му́чимыхъ, Рома́не
благода́тный. **[Два́жды.]**

Огнь страсте́й погаси́ль еси́ стра́хомъ
Госпо́днимъ, бдѣ́ніемъ и возде́ржаніемъ и, я́ко
безстра́стенъ а́нгель, жи́ль еси́ между́ людьми́,
всѣ́мъ помога́й и вся́ къ пока́янію призыва́й,
предивный Бо́жій святите́лю Рома́не.

Богоро́дичень: Дарода́тельница Богоро́дице,
испроси́ на́мъ отъ Сы́на Твоего́ и Бо́га да́ры сія́:
смирѣ́ніе ума́, чи́стое се́рдце, ми́лостивую ру́ку,
да удосто́имся любве́ Христо́вы и Ца́рствія Его́
Небе́снаго.

Пѣснь 9.

Ирмо́сь: Странствіа Влады́чнѣ и
безсме́ртнѣя трапѣ́зы на го́рнѣмъ мѣ́стѣ
высо́кими умы́, вѣ́рнии, приди́те наслади́мся,
возше́дша Сло́ва, отъ Сло́ва научи́вшесе́, Его́же
велича́емъ.

Наказу́яй та́ти и разбо́йники въ святѣ́й
обите́ли тво́ей, ты́ устраши́ль еси́ грѣ́шники,
исцѣ́ляя же и помога́я вѣ́рующимъ, ты́ яви́ль еси́
Бо́га пра́вды и ми́лости, ревни́телю Бо́жій
подобе́нь Или́и, Рома́не, о́тче нашъ. **[Два́жды.]**

Авва Отче! — Вопія́ль еси́ къ Бо́гу въ
тѣ́снота́хъ и ско́рбехъ свои́хъ, и Оте́ць Небе́сный
вчисли́ тя въ сы́ны не́ба, явля́я мі́ру тобо́ю си́лу и
сла́ву Свою́, божѣ́ственный Рома́не.

Богородиченьъ: Ширшая небесъ показалася еси, Дѣво Избранная, егда Бѣгъ Слово хотяше родитися яко человекъ, да спасетъ родъ человеческій. Сего ради прославляемъ Тя, яко лѣствицу небесную и устрашеніе демоновъ, и радованіе душъ нашихъ.

Свѣтилень образа. [Подобеньъ: Жены, услышите.]

Свѣтъ невечерній, Христѣ, просвѣти насъ лица Твоего зракомъ, и свѣтлости святыхъ сподоби, егда сядеши воздати комуждо по дѣломъ его, молитвами рождшія Тя Богородицы.

Слава, преподобнаго. [Твореніе] Николая:

Земное теченіе совершилъ еси въ трудѣхъ и подвижѣхъ, исполняя заповѣди Спасовы, даль еси земное за небесное, и плотское за духовное, сего ради прославляемъ тя всѣ.

И нынѣ, праздника. [Подобеньъ: Жены, услышите.]

О, колика величія Тебѣ Сильный сотвори! Отъ неплодныя бо родилася еси, родила же еси Дѣва, и Дѣва паки пребывши, пребываеши же по смѣрти, смѣрти вышши, Чистая, и не оставляющи міра, о мірѣ молишися.

**На хвалі́техъ стихи́ры на 6: Образа 3,
гла́сь 4, и
преподобнаго 3, [творе́ніе] Никола́я, гла́сь
то́йже.**

Прииді́те, всі́ вѣ́рніи, притецѣ́йте ко хра́му и киво́ту свята́го Рома́на, исто́чникъ бо е́сть чудесѣ́ь безчи́сленныхъ: я́коже Мора́ва рѣ́ка напаяе́тъ сухую́ зѣ́млю, та́кожде и се́й чудотво́рець напаяе́тъ ду́ши на́ша струя́ми благода́тными отъ Христа́, Спа́са на́шего; Тому́ ны́нѣ́ предсто́я въ Ца́рствіи безплотныхъ, мо́лится о душа́хъ на́шихъ.

Прииді́те, всі́ вѣ́рніи, ко трапѣ́зѣ́ духо́внѣ́й, ю́же угото́ва на́мъ Рома́нъ преподо́бный, вкуси́те я́стія и пи́тія отъ трапѣ́зы се́я, богата́ бо е́сть зѣ́ло оби́ліемъ вѣ́ры, и наде́жды и любве́ божѣ́ственныя, и цѣ́лому́дрія, му́жества, смире́нія и кро́тости, свѣ́та небеснаго и ра́дости а́нгельскія, насы́тите ду́ши ва́ша и восхва́лите Бо́га, дарова́вшаго мі́ру таково́е свѣ́тило.

Да возра́дуется зе́мля Сѣ́рбская и еписко́пія Ни́шская, ми́лость бо Бо́жія на не́й излі́яся тобо́ю, о́тче богови́дче, сокрови́ще бы́ль еси́ духо́вныя си́лы и прему́дрости отъ ро́да въ ро́дъ; слѣ́пымъ прозрѣ́ніе и глу́химъ слы́шаніе, осла́бленнымъ оздравле́ніе, малоду́шнымъ утвержде́ніе, и всѣ́мъ вся́ да́руя. Сего́ ради́

веселя́тся всѣ́, творя́щи па́мять твою́, свя́те Рома́не.

Сла́ва, преподо́бнаго, гла́сь 4. Никола́я.

Ангельсти́и ли́цы днесь со́гласно съ на́ми ра́дуются, а́нгельскаго бо чело́вѣка па́мять пра́зднуемъ, иму́щаго внѣ́ и вну́тръ о́бразъ а́нгельскі́й, мона́шества сто́лпъ и удо́брѣніе, Це́ркве Прабо́славны́я свѣ́тило небосвѣ́тлое, земли́ же Сѣ́рбскія сокро́вище си́лы и святы́ни, Рома́на побѣдоно́снаго; тебѣ́ же, о́тче преподо́бне, воздвиза́емъ сердца́ на́ша съ лю́бовію и весѣ́ліемъ, и съ труба́ми и а́рфами мы́сленными восхваля́емъ дѣ́ла тво́я чудѣ́сная и па́мять твою́ святу́ю.

И ны́нѣ, пра́здника, гла́сь 1:

Подоба́ше самови́дцамъ Сло́ва и слуга́мъ, и е́же по пло́ти Ма́тере Его́ успе́ніе ви́дѣти, ко́нечное ели́ко на Не́й та́инство, я́ко да не то́кмо е́же отъ земли́ Спа́сово восхо́ждѣніе у́зрятъ, но и Ро́ждші́я Его́ преста́вленію сви́дѣтельствуютъ. Тѣ́мже, отвсю́ду Божѣ́ственною си́лою собра́вшеся, Си́она дости́гоша, и на не́бо иду́щую прѣдсыла́ху, вы́шшую Херуві́мъ, Ейже́ и мы́ съ ни́ми покланя́емся, я́ко моля́щейся о душа́хъ на́шихъ.

Славосло́віе вели́кое.

Тропа́рь Образа. Сла́ва, преподо́бнаго. И

**нынѣ, Успенія.
Ектеніи и отпусть.**

НА ЛИТУРГИИ,

Блаженна отъ канона прѣздняка [Успенія], пѣснь 1-я, на 4, и Образа, пѣснь 3-я, на 4, и преподобнаго 6-я, на 4. Прокимень, гласъ 4: Воспойте Господеви пѣснь нову, яко дивна сотвори Господь. Стихъ: Видѣша вси концы земли спасеніе Бога нашего. И преподобнаго, гласъ 7: Честна предъ Господемъ смѣрть преподобныхъ Его. Апостоль къ Колоссаемъ, зачало 250. И преподобнаго, къ Галатомъ, зачало 213. Аллилуія, гласъ 4: Господи, во свѣтъ лица Твоего поидемъ, и о имени Твоемъ возрадуемся во вѣки. [Стихъ: Видѣша вси концы земли спасеніе Бога нашего. И преподобнаго, гласъ 6: Блаженъ мужъ, бояйся Господа, въ заповѣдехъ Его восхощеть зѣло.] Евангеліе отъ Луки, зачало 48 отъ полу. [И преподобнаго,] отъ Луки, зачало 24. Причастень: Господи, во свѣтъ лица Твоего поидемъ и о имени Твоемъ возрадуемся во вѣки. [И преподобнаго: Въ пѣмь вѣчную будетъ праведникъ, отъ слуха зла не убойтса.]

Источникъ: Србляк. — Београд: Издаје Свети Архијерејски Синод Српске Православне Цркве, 1986. — С. 493-502.